

*Sigle: Ba*

*Aufbewahrungsort: Staatsbibliothek Bamberg*

*Signatur: Msc. Lit. 176*

[13v,01]AIn hoher lerer hiefz

anhelmus der pat

vnfer frauen lange weill

vnd zeit wainent vaften

vnd peten. Das fy im zu

erkennen geb wie vnfer

herre gemartert wer word

vnd do er alfo nach feiner

gewonhait vmb die selbigen

fach vnfer frauen het ge=

peten mit groffem vleis

vnd ernft do erfchain im

vnfer liebe frau vnd sprach

Wifz anhelmus. mein kindt

hat groffe marter erliden

[14r,01]Das es niemant an wainente augen gefa=

gen mag. Doch ich nun

nÿmer gewainen mag do(=)

von das ich vntodlich vnd

vnleidenlich pin worden

vnd das ich die gotlichen

gnad enpfangen han. wan

mich kain dingk betruben

noch befurn mag Dovon

fo will ich dir von anfang

fagen vnd aufzlegen die

marter meines lieben

kinds Do fragt anhelmus

vnd sprach. o allerliebste

frau mein wie hueb fich

[14v,01]an des erften deines Kindes

**marter** Do sprach maria  
do mein kind an dem ant=  
lastag das letzt effen mit  
feinen iungerern geffen hēt  
vnd von dem tifch gieng  
Do gieng iudas zu den iuden  
vnd zu den iuden pifchoff  
vnd gab In mein kind vmb  
dreyffig pfening Do sprach  
**anhelmus. frau welcher=  
laÿ wurden die pfening** Do  
antwort Im maria Vnd  
sprach es waren die pfening  
darumb iosepf verkaufft  
[15r,01]wart vor viertaufent iaren  
vnd waren die zu ainem  
erbtail geuallen den iuden  
Darumb fy mein liebes kindt  
kauften Vnd was yeder pfening  
zehen gemainer pfenig wert  
**do fragt anhelmus vnd  
sprach. o allerliebste frau  
warft du pey deinem kindt  
vnd peÿ feinen iungern do  
dife dingk gefchahen** Do  
sprach maria. Nain ich  
doch du solt wissen do mein  
kindt das man dat mit feinn  
iungern wegie vnd ir fuefz  
[15v,01]getwagenn het vnd het in gebenn  
feinen heiligen leichnam vnd fein  
plut zu nieffen vnd In auch  
fueffigtlich geprediget het  
Do gie iudas zu den iuden  
vnd zu der iuden pifchoff do  
gie mein kind vnter den perg

oliueti In ain garten Vnd  
nam dreÿ pefunder iunger mit  
im Von den gie er vnd hiefz  
fÿ peten do entflieffen dy  
drey Do gie mein kindt ain  
tail hin dann wol als ver  
als man mit ainem ftain  
gewerffen mag vnd pett an  
feinen himelifch vater vnd  
[16r,01]sprach alfo Erhor mich herre  
vnd vater mein. wann dein er=  
parmnung ift vol gnaden. fiech  
mich an mit manigualtig=  
kait deiner parmherzigkait  
vnd erlofz mich von allen  
meinen notten. Sunder nicht  
als ich wil dan dein will  
wert erfult Do fraget anf=  
helmus aber vnd sprach  
warvmb pat dein kindt feinz  
vater von himel warvmb  
forcht er die marter alfo  
fere Do sprach maria das  
gefchach von dreyerlay fach  
[16v,01]Die erft fach was das er fo  
zertlichen ertzogen was vnd  
von kunigcllichem gefchlecht  
geporen was Die ander das  
er got vnd menfch was  
Vnd dovon tet Im die mar=  
ter wirfer dan einem an=  
derrren menfchen Vnd dovon  
weft er wol alle die mar=  
ter die er leiden folt vnd  
dovon fwitzt er plutigenn  
fwaifz Die drit fach was

das die iuden kain erparm(=  
ung vber In wolten haben  
oder gewinen vnd aller  
[17r,01]parmhertzigkeit an Im vergaf=  
fen vnd do er alfo den vater  
zu dem dritten mal anpat  
Vater fey es dein will. fo vber(=  
heb mich der marter aber dein  
will geschech vnd nicht der  
mein do erfchain im ein  
engl vnd fterckt in vnd fp=  
rach alfo here pifz veftes  
hertzen vnd furcht dir nit  
Wan die felig zeit ift komen  
das du erlofen scholtzt als  
menfchlichs gefchlecht von  
dem ewigen todt Darnach  
gie mein kindt wider zu den  
[17v,01]Iungern vnd fant fy fchlaffent  
Do sprach er zu in. mugt  
ir nicht ain weil mit  
mir gewachen. ftet auf vnd  
fecht er kumbt do her der  
mich verkauft hat vnd do  
er alfe mit in redt. do kam  
zuhant iudas. in den garten  
mit einer groffen fchar Do  
sprach iudas. ir herrn ir folt  
wiffen das iefus vnd iacobus  
gar gleich aneinander fint  
vnd das man ainen kaum  
von dem anderøn erkent. vnd  
darvmb will ich euch ain  
[18r,01]zaichen geben welchen ich  
kufz den greift an der ift der  
recht. Darnach zach iudas

in den garten mit den iuden  
zu meinem kindt. do gieng  
mein kindt gegen in vnd  
sprach. wen fucht ir. Do  
sprach die iuden. wir  
fuchen *Jesum* von nafarecht  
Do sprach mein kindt  
den ir fucht das pin ich  
vnd do er also het gefpro=  
chen. das pin ich. do fiellen  
ſy all hinter ſich auf die.  
erden. das gefchach also  
[18v,01]zwir Darnach sprach mein  
kindt zu den iuden. feindt das  
ir mich fucht. ſo laſt die  
gen die mit mir fein. das  
die gefchrift erfult wert. zu(=  
hant kufft iudas mein kindt  
an fein mundt. Do sprach  
mein kindt iudas mit kuffen  
verkaufft du des menſchen  
kindt in den tot. darnach  
fiellen die iuden an mein  
kindt vnd fiengen in. Do  
zuckt petrus ein fwert aufz  
vnd flug eim iuden ein or  
ab. der ſelbig knecht hieſz  
[19r,01]malchus. Do fragt aber  
anhelmus vnd sprach frau  
gefchach do kain zaichen  
do sprach maria. Ia mein  
kindt nam das or vnd fetzt  
es wider an fein ſtat vnd  
macht den knecht wider  
gefunt vnd sprach zu ſant  
peter. ſtos ein dein fwert in

dein schaid. vnd folt ich den vater  
piten er fant mir wol zwelff  
schar engl die fur mich fech=  
teten. zuhant fluh<sup>v</sup>en die iun=  
gern von meinem kindt Do  
sprach anhelmus fraue  
[19v,01]warft du dopey do sprach  
maria nain ich. Do sprach  
anhelmus aber wie mochts  
du es gelaffen das du in fo  
recht lieb heft. Do sprach  
maria. es was nacht. vnd  
was nicht zimlich das die  
iunckfraunn auff der gaffenn  
giengen Do sprach anhelmus  
wo warft du allerliebste  
frau. Do sprach maria ich  
was in meiner swefter io=  
hanis muter haufz. Do  
sprach anhelmus wie warft  
du fein innen. oder wer  
[20r,01]faget dir die mere. Do fp=  
rach maria. hore anhelmus  
das gar cleglich ift. es komm  
die iungern schreient vnd  
wainent. dein kindt vnd  
vnfer maifter ift gefangen  
vnd gepunden vnd wiffenn  
nicht wo fy in hingefurt  
haben vnd ob fy in getot  
haben oder nicht oder  
wie es im erget Do sprach  
anhelmus wainest du do  
nicht Do sprach maria  
wie doch das was das ich  
wol weft das er alles

[20v,01]menfchlichs gefchlecht erlofen

folte mit feinem todt Do we-

twang mich die muterlich

lieb. das ain fwert durch

mein hertz fnait. Do sprach

anhelmus. wo wart er hin(=)

gefurt Do sprach maria. er

wart gefurt aufz dem garten

durch das tall iofofat zu

der porten hinein die Do

haift die gulden parten.

durch die ftraffen. die Do

haiffet der fchreiber. vnd der

gleichfner vnd der pifchoff

ftrafz zu dem tempel in ains

[21r,01]pifchofs haus. der hiez an-

nas vnd derfelbig pifchoff

fragt in von feiner lere

vnd von feinen iungern

Do sprach mein kind. ich

han offenlich gelert vnd

nicht haimlich vnd frag

alle die es gehört haben

Do ftundt ainer auff feiner

knecht vnd fchlug mein

kindt an fein wang vnd

sprach wie antwurft du

dem pifchoff fo. Do sprach

mein kindt. han ich vbel

geredt. fo gib zeugnufz

[21v,01]hab ich aber wol geredt. war(=)

vmb fchlegft du mich. zuhant

zert er ainen gerrn aufz

feinem hembd vnd verpant

meinem kindt feine augen

als wer er ain dieb den

man verderben fol. Do fpoten  
fÿ fein alle die nacht.  
vnd friben im vntter fein  
augen vnd fchlugen in  
auff fein hals. vnd fpro=  
chen zu im. weiffag vns  
wer hat dich gefchlagen  
Do was Iohanes in dem  
[22r,01]haus. wan in kant der  
pifchoff wol. vnd der gieng  
heraufz vnd furt fant petre  
in das haus Do sprach  
ain diren die der tuer huet  
vnd sprach zu fant peter  
Du pift recht des menfchen  
iunger ainer. Do fwur  
fant peter er weft nicht  
wer er wer. er hiet in nie  
gefehen. alfo fwur dreÿ(=)  
ftundt er weft nicht wer  
er war. zuhant kret  
der hann Do fach got fant  
peter an Do gedacht  
[22v,01]fant peter an die wort die  
mein kindt sprach zu im.  
petre. ee der han zwir kret  
fo haft du mein dreÿftundt  
verlaugent. Do gie fant peter  
aufz dem haufz. vnd waint  
pitterlichen. Do sprach anf=  
helmus. o allerliebste frau  
wo warft du. do die dingk  
gefchahen Do sprach maria  
zuhant Do mir die iungrn  
das fagetn. das er gefangen  
was Do lieff ich vnd maria



magdalena zu dem tempel  
[23r,01]mit groffer clag. Do hort  
ich ein grofz gefchraÿ in  
des piſchofs haus do wolt  
ich hinein fein. do entlieſz  
man mich nicht. do ftund  
ich vor dem hauſz wainent  
vnd clagent vnd ſchraÿ.  
we mir hertzenliebes kindt.  
we mir ain liecht meiner *augen*  
wer gibt mir meinem haupt  
das waffer vnd meinen  
augen den regen Der zer=  
her. das ich wain tage  
vnd nacht. Wan mir mein  
troſt iſt genumen. do maria  
[23v,01]magdalena zu dem templ  
kam. do lieff ſy zu des  
piſchoffs haus. vnd lugt  
zu dem venſter hinein. Do  
ftundt ich alle die nacht  
vnd lugt was ſÿ im tettèn  
vnd do ſant peter fein ver=  
laugnt het. Do gie er wai=  
nent heraufz. claget vnd  
ſchraÿ iemerlich vnd ſpra=  
ch. O allerliebſte frau  
wie gar iemerlich man  
dein kindt handelt. Das  
es niemand wol gefagen kann  
[24r,01]<D>o lieff ſant peter vnd ver=  
porg ſich in ainen hollen  
ftain. vnd kam nicht her  
wider fur piſz mein kindt  
ftarb an dem creutz. vnd  
do es morgen wart. do furt

man in hin von annas  
zu kaiffas. Do sach ich  
in vnd lieff im entgegen  
als ein lebin. die ir kindt  
verlorn het. Do sach ich  
sein wiunnigliches ant=  
litz verSpeit vnd vervnraint  
von den iuden vnd sein  
har waft im zertzert  
Do wait ich vnd sprach  
[24v,01]mit iemerlicher ftim. we  
mir allerliebftes kindt  
wie gar iemerlich ich  
dich vor mir fih Vnd  
das ich dich oft mit  
groffen freuden minig=  
lich angefehen han  
Vnd wolt mein kind tzu  
mir gedruckt haben  
do ftieffen mich die  
iuden von im vnd wart  
mit groffen fchelt(=  
worten von im getri=  
ben. wan das volck  
gie vmb in als vmb  
[25r,01]ainen diep oder rauber  
den man verdammen wil  
Do fragt aber anhelmus  
O allerliebftes frau heft  
du kainen gedingen  
mer Das er erloft folt  
werden. maria sprach  
ia ich weft wol das er  
als edl vnd als wol  
fprechent macht vnd  
ob er halt fur gericht

kam er entschuldigt  
sich felbs Vnd er tet des  
nicht. er tet nie auf feinen  
munt vnd ftundt vor  
[25v,01]in als ein vnschuldiges  
lemlein Ich gedacht auch  
er wer als schon vnd als  
miniglich Das fy sich  
vber in erparnten Dar(=)  
nach vber ein klaine  
weil wart er also iemer(=)  
lich verspeit Das er was  
sam ein auffetziger  
menfch Vnd do funden  
fy vil falfchen zeugen  
wider in vnd fprochen. er  
wer ein zerftorer der ee  
vnd ein verkerer des volcks  
Do ftunden zwen falfch  
[26r,01]zeugen auf vnd fprochn er  
hat gefprochen Ich mag  
den templ zuftoren vnd  
in dreyen tagen wider(=)  
machen Do sprach kaif=  
fas Sag an pift du es  
criftus. do sprach mein  
kindt. fag ich dirs fo  
gelaubft du mir nit. aber  
ich fag dir. Ir wert den  
himel offen fehen vnd  
des menfchen kindt fehen  
fitzen zu der rechten feins  
himelifchen vater do  
[26v,01]zert der furft der iuden  
sein gewant. vnd sprach  
er hat got gefcholten

was pedurff wir mer  
zeugen. habt ir nicht  
gehört. Er hat wider got  
geret wie geuelt euch  
das zuhant fchirrn  
die iuden all. er ift fch=  
uldig des tozt Do durch(=)

ftach zum andern mal  
ein fwert mein fel vnd  
durch mein hertz do

fprach anhelmus

[27r,01] Wo wart er hingefurt

do fprach maria zu dem  
richter pilato do fprach  
anhelmus O allerliebste  
frau heft du kain gedingen  
mer. do fprach maria Ia

ich het groffen gedingen  
wann das ~~vdek~~ volck zu(=  
famen kam. den er offt  
fueffiglich gepredigk het  
Vnd die er in der wueft ge=  
speift het Vnd die fiechen  
die er gefunt het gemacht

das fy in erloften von  
den henten der iuden

[27v,01]des teten fy nicht. fy rueften

mit lauter ftim zu pilato

man fol in creutzigen

er hat gefprochen. er fey

gotes fun Vnd hat verpoten

den zins dem kaifer zu

geben Do fragt in pilatus

von feinem reich do fpra=  
ch mein kindt. mein reich

ift nicht in difer werlt

wer mein reich in dīfer  
werlt. so ftreiteten mein  
diener fur mich vnd loften  
mich von den iuden do  
sprach pilatus zu iesu  
[28r,01]Darumb pift du auch ein  
kunig Do antwurt Im  
mein kindt vnd sprach  
du haft es gefprochen. wan  
ich pin ein kunig vnd dar(=)  
vmb kumen in die werlt  
das ich fey ein zeugknus  
der warhait. ein yglicher  
der do ift in der warhait  
der hort mein ftim. Do  
sprach pilatus. was ift  
die warhait. die red wolt  
im mein kindt nicht  
aufzlegen. wan het im  
mein kindt die frag aufz(=)  
[28v,01]gelegt. fo wer alles menfch=  
lichs gefchlecht nicht er=  
loft worden von dem ewigen  
todt do sprach ~~mein kindt~~  
pilatus man folt mein  
kindt leben laffen Do  
fchriren die iuden all. er  
hat das land iuda vnd das  
volck mit feiner lere  
pewegt von galilea vntz  
here do pilatus horet  
das er von galilea was  
do fragt er mein kindt  
ob er von galilea gepo=  
ren wer vnd do er das  
[29r,01]erkent das er von galilea

was. des lants herodis  
der was in denfelbigen  
tagen zu ierufalem vnd  
alle fein herfchaft mit  
im do wart mein kindt  
von pilato zu herodes  
gefánt vnd do herodes  
mein kindt *Jesum* anfach  
do wart er fein gar fro  
vnd fragt in von vill  
dingen vnd ob er das  
kindt wer das fein vater  
in feiner kindhait gern  
getot het vnd ob er der  
[29v,01]wer. Der die plintn het ge=  
fehent gemacht vnd der  
*lafarum* het erkuckt von  
dem tott vnd der den fun  
der witib erkucht het  
auch von dem todt Vnd  
gehiefz Im. têt er ain  
zaichen vor im. er wolt  
im tail an feinem reich  
laffen. aber mein kindt  
sprach nichtz nit Do  
verfmecht in herodes  
vnd legt im ein weifz  
klaid an von pfellen  
vnd fant In wider zu  
[30r,01]pilato. Do wurdn fy mit(=  
einander gefrunt pi=  
latus vnd herodes vnd  
do wolt pilatus iefum  
haben gelaffen Vnd  
warrabam haben getot  
do sprach das volck

mit lauter ftim heb  
auff vnd tot *Jesum* vnd  
lafz warrabam ledig  
do sprach pilatus zu  
dem dritten mal was  
hat er gethan vbels  
Ich find kain fach vnd  
fchuld an im des totz  
[30v,01]Ich wil in zuchtigen vnd  
doch laffen leben. do ruf=  
ten die iuden aber creu=  
tzig in Do fent pilatus  
hauffrau zu pilato  
Das er dem gerechten  
menschen kain lait thu.  
fÿ het des nachtes  
von im grofz erliden Do wolt  
pilatus erfullen der iu=  
den pegerung Vnd hiefz  
in pinten zu ainer  
feul vnd hiefz in fla=  
hen Das nichtz gantz  
an feinem leib pelaib  
[31r,01]vnd die feul was alfo  
dick das im wol zwo  
fpan zu prait was  
das er hinymb mit  
den armen nit geraichen  
mocht Do nomen fÿ  
rimen vnd zugen Im  
dy hent hinymb. do  
nomen dÿ richter dorn  
vnd flochten daraufz ein  
cron vnd truchten. Im  
die in fein heiligs haup  
Vnd diefelbig cron was

nicht von rechten dorn  
Dy was von merepinfen  
[31v,01]dÿ fein vil grulicher vnd  
fpitziger dan die rechten  
doren vnd legten Im ein  
roten pfellen an vnd  
gaben im ein rorftab  
in fein hant vnd knieten  
fur in vnd sprochen  
gegruft seÿft du ein  
kunig der iuden Vnd  
speitten im vnter fein  
antlitz vnd flugen in  
mit dem ror die cron  
in fein haup das im  
das plut vber fein antlitz  
ran Vnd also gecronten  
furten fy in fur dy iuden  
[32r,01]vnd sprach en nu secht  
das ist eur kunig zu(=  
hant do in der iuden  
pifchoff anfach do schri=  
ren fy alle creutzige in  
Do sprach pilatus nempt  
in hin vnd richt In  
nach eur ee. do ant=  
wurten sy im wir haben  
in vnser. das er sterben  
fol. wann er hat sich  
gottes fun gehaiffen  
Do pilatus dife rede  
erhort. Do forcht pilatus  
die iuden vnd sprach  
[32v,01]von wan pift du iesus.  
Iesus antwurt im nicht  
Do sprach pilatus wil



du nicht mit mir reden  
waist du nicht. das ich  
gewalt han. dich zu  
lassen oder zu toten. Do  
sprach mein kindt. Du  
haft kain gewalt vber  
mich wer er dir nicht  
geben darvmb wer  
mich dir geben hat der  
hat die groffer schuld  
vnd fund gethan. dar(=)  
nach pegert pilatus  
[33r,01]aber. das man *Jesum* liefz  
do schrirē fy al left du  
in. so pift du niht ein  
frunt des kaifers. wan  
wer sich ein kunig haift  
der wil wider den kaifer  
sein do pilatus hort  
das es nicht anders  
mocht gefein. nur das  
fÿ defter vnrechter teten  
Do wuefch er fein hent  
vor dem volck vnd sprach  
Ich wil vnfschuldig sein  
an des gerechten menschen  
[33v,01]plut. fecht wie euch ge(=)  
schech. Do schrirē dy  
iuden alle. fein plut  
gee vber vns vnd alle  
vnfere kinder vnd schrirē  
als lang pifz das pilato  
die vrtail vber in gab.  
vnd lieffen in warraban  
den manfschlechtigen  
ledig gen. aber iesum

gab er in. das fy iren  
willen mit im teten  
Do fragt aber ~~mein kindt~~  
anhelmus vnd sprach was  
[34r,01]teft du. do du horeft das. do  
sprach maria. do durch(=)  
ftach aber ein fwert mein  
hertz vnd fel Do sprach  
anhelmus. was gefchach  
darnach. do sprach maria  
Do iudas das erhört. das  
man mein kindt totten wolt  
Do genau es in. das er in  
verraten het. vnd nam die  
dreißig pfennig. vnd warff  
fy in den templ. Vnd  
sprach ich han gefundt  
Ich hab verkauft. das vn=  
fchuldig plut. des gerechten  
[34v,01]menschn. vnd gie hin vnd hing  
fich felber. Do numen fy  
mein kindt vnd legten im  
das creutz auff feinn ruck  
vnd furten in aufz der ftat  
dohin. do man die vbel(=)  
teter tottet. Vnd do fy in  
creutzigen wolten. vnd wifz  
auch anhelmus. Das das  
creutz also grofz wafz. das  
es funftzehen fchuch nach  
der leng het. do was mein  
kindt. als krank an dem  
leib worden das er des  
creutz nicht getragen  
[35r,01]macht. Do gewonnen fy  
im ainen man von ainen

dorff. der im das creutz  
halff nachtragen. das  
teten fy aufz erparmung  
nicht. funder das er fein  
nicht getragen mocht  
Do sprach anhelmus  
O allerliebste frau gie  
niemant mit im aufz  
do man in aufzfurt  
do sprach maria. ia fo  
vil volcks als mit ainen  
dieb. Vnd vil frauen wain=  
neten vnd clagent vnd auch  
[35v,01]vil kindt. Do kert sich mein  
kindt zu in vnd sprach  
zu den fraunn Ir tochter von  
ierufalem. waint nicht vber  
mich. funder waint vber  
euch vnd eure kindt. die  
nicht wiffen was fy thun  
Die ftain vnd har auff  
mich werffen. es kumpt  
noch der tag. das man  
wirt sprechen. felig fein  
die fraunn. die nicht kinder  
tragen Vnd felig fein  
die pruft die nicht kinder  
feuggen vnd weginnen  
[36r,01]sprechen zu den pergen kumbt  
vnd vallet vber vns vnd  
wedeckt vns. Wan was mir  
geschicht. was geschickt  
dan meinen heiligen  
Man furt auch zwen  
vbelteter mit im aufz  
Die wolt man auch totenn

das teten fÿ im zu fch=  
antē. wann fÿ hingen  
im ainen. zu der rechten  
hant. den andern zu  
der tencken hant. Do fragt  
aber anfhelmus. o aller(=  
liefte frau wie teten fÿ  
[36v,01]Im do. do sprach maria  
Nun hore anfhelmus. wa<f>  
iemerlicher dingk will ich  
dir fagen. Das kain euban(=  
gelift volkumeglich schre=  
ibt. do fy in prochten  
an dÿ ftat Do fy in toten  
wolten. do enploften fÿ in  
fo gar das ich amechtig  
wart. Das ich nichtz  
mer mocht. Doch do  
ich in alfo plaffen fach  
Do nam ich ein tuch  
von meinem haup vnd  
[37r,01]gab es das man Ims vmb  
fein lent pant. Darnach  
legten fy das creutz auff  
dÿ erden vnd wurffen mein  
kindt darauff Vnd do fy  
im ainen nagl flugen  
durch ain hant. der was  
fo grofz. Das Im die wun=  
ten nicht gepluten mocht  
als gar het der nagl dÿ  
hant erfullet. Darnach  
nomen fÿ failer vnd zu=  
gen Im den anderen arm  
hinymb vntz das er kom  
[37v,01]zu dem loch vnd dyfel=

big hant flugen fy im au=  
ch also an. das man  
im alle feine gelider  
gezelt mocht haben<sup>n</sup>. do  
wart erfult dÿ wieffa=  
gung dautz wort. der  
do sprach. hore tochter  
vnd siech. als ob er spre=  
ch. Hore allerliebste  
frau. die hamerschleg  
domit man deines liebes  
kindes hent vnd fuez an(=  
schlegt. Vnd sich wie gar  
[38r,01]iernerlichen er vor dir  
hanget. do hort ich vnd  
sach. das aber ein fwert  
mein hertz durchsach  
vnd mein fell durchschnait  
do fragt aber anhelmus  
vnd sprach wie teten fy  
im do. do sprach maria  
do nomen fy das creutz  
mit meinem kindt. mit  
großer arbeit Do was  
das creutz also hoch. das  
ich mit mein<sup>n</sup> henten  
mein kindt an dem creutz  
nicht peruren mocht  
[38v,01]Aube des iernerlichen an=  
plich den ich sach. do er  
auffgericht was an dem  
heiligen creutz vnd do  
ich sein antlitz ansach  
do er pegund hangen  
von der fwer des creutz  
vnd des leichnams Do

praften im all fein wun(=)  
den auff an henden vnd  
an fueffen vnd das plut  
ran alfo fer von im als  
es von vir pächen oder  
prunen aufzgieng Do  
[39r,01]was ich geclaidet mit  
ainem weiffen gewant  
das pedeket mir das  
haup. vnd mein gantzen  
leib vnd das was leinein  
als in dem lant gewon=  
hait was. Daselb ge=  
want was als rot word  
von feinem plut recht  
fam es darein gestoffen  
wer word. do sprach  
anhelmus. O aller(=)  
liebste frau. wie gieng  
es darnach Do sprach  
[39v,01]maria. do fy in gecreutzig  
heten. Do tailten fy fein  
gewant vnter dem creutz  
miteinander Nu was  
der rock meines Kindes  
geweckt an alle nett  
Den rock wolten fy zu(=)  
fneiden. wann er gantz  
was. Do wurden fy zu  
rat. wie fy im thun  
wolten Do sprach ainer  
vnter in allen. der hiez  
malchus. vnd was der  
Der fant peter in dem  
garten das or abflug  
[40r,01]Do fy mein kindt vingen

wir follen den rock nit  
zufchneiden. wir follen  
ain Lofz darvmb werffen  
wem er gantz peleib. das  
gefchach darvmb. Das  
die gefchrift erfult wert  
als in dem pfalter gefchri=  
ben ftet. mein gewant  
haben fy getailt vnd  
wurffen darumb lofz. Dar(=  
nach fchraib pilatus  
ain tafel vnd fteckt fy  
auf das creutz vber  
[40v,01]meines kindes haup vnd  
die vbergeschrift was kri=  
chifch iudifch vnd latein=  
ifch Iefus von nafaret der  
iuden kunig Das tet den  
iuden zornn vnd fprochen  
du folt nicht fchreibenn  
der iuden kunig. Sunder  
ich pin ein kunig der  
iuden hat er gefchrochen  
Do fprach pilatus was  
ich gefchriben han das  
ift gefchriben vnd das  
mus auch alfo pleiben  
Vnd die vbergeschrift  
[41r,01]Lafen vill iudenn. wan es  
was nachat pey der ftrefz  
do die iuden furgienge  
die fpoten fein vnd weng=  
ten mit dem haup vnd  
fprochen nempt war das  
ift der menfch Der do  
fprach Ich mag den templ

gotes zuftoren vnd den  
in dreyen tagen wider(=  
machen. pift du gotes  
fun. fo gee herab von  
dem creutz. Sÿ fprochen  
gar fpotlich. andern  
[41v,01]leuten hat er gehoffen  
nun helff im felber pift  
du der kunig von ifrahel  
So fteig herab von dem  
creutz So wel wir dir  
geglaubèn. er hat got  
getraut er erlofz in ob  
er wolt Do fprach anf=  
helmus. O du allerlieb=  
fte frau was fprach  
dein kindt. zu difem  
gefpot Do fprach ma=  
ria. er fprach Vater  
vergib in. wan fy nit  
[42r,01]wiffen was fy thun  
Do fpoten fy fein aber  
do fprach mein kindt  
hore tochter vnd fiech  
mein wetagen vnd die  
fcheltwort. vnd Du  
wol waift. wie ich in  
von dem heiligen geift  
empfangen wart vnd  
das du mich muter  
vnd maid trugft vnd  
geparft muter vnd  
iunckfrau pelaibft  
vnd wie du mich  
[42v,01]zertlichen ertzogen haft  
vnd mit deinen iunck=



fraulichen keufchen  
pruften gefeuget haft  
vnd das du mir altzeit  
mit rechten treuen pey  
warft. vnd darvmb  
fÿ nicht glauben wellen  
das ich der ware got  
fey. O liebe muter fo  
glaub aber du es vnd  
leid mit mir. do gieng  
aber ein fwert zu dem  
fechten mal durch  
[43r,01]mein hertz vnd mein  
fel. Dannoeh in allen  
noten. mocht er nicht  
vbrig gefein. der fcha=  
cher fpot fein. der zu  
der dencken hant hing  
vnd fprach pift du es  
criftus des waren gotes  
fun. fo hilff dir vnd vns  
do das der ander fcha=  
cher zu der rechten  
hant erhört Do ftraft  
er in vnd fprach. o furcht  
du es nicht got vnd pift  
[43v,01]doeh in den nōten des totfz  
Das wir do leiden das hab  
wir verdient mit vnfer  
tat. aber difer menfch hat  
nichtz vbels gethan. vnd  
fprach zu meinem kindt  
Herre gedenck mein wan  
du kumbft in dein reich  
do fprach mein kindt  
Werlich ich fag dir du

folt heut mit mir fein  
in dem paradeis vnd die  
zwen fchacher die pey  
meinem kindt hingenn  
Der aine hiefz difmas der  
[44r,01]wart pehalten Vnd der  
ander hiefz ifmas der fpot  
meins kinds. der wart  
verlorn. wan er kain reu  
het vmb fein fund. Do  
fprach anhelmus was  
tetz du. do allerliebste  
frau. maira fprach ich  
ftund pey dem creutz  
vol traurigkait. das ich  
im nicht gehelffen mocht.  
Vnd ftunden pey mir  
mein zwo fwefter vnd ma=  
ria magdalena vnd io=  
hannes den er lieb het  
[44v,01]vnd do mich mein kind anfach  
vnd iohannesen. do kert  
fich mein kindt zu mir  
vnd fprach. nym war  
weib iohanes ift dein  
fun. Darnach fprach  
er zu iohannesen. nym  
war das ift dein mutr  
O ein iemerlichs vrlaub  
das was. Do was es zu  
der fechften zeit. do wart  
ein vinfte vber als ertrich  
pifz zu nonzeit. Do ruft  
mein kindt mit lauter  
ftim hely hely lamasaba=  
[45r,01]doni. Das ift als vil ge=

fprochen. mein got mein  
got wie haft du mich  
verloffen. Die do stunden  
die sprach en er ruft he=  
liam. nun pleib wir ob  
heli as kom vnd erlofz  
in. Darnach weft mein  
kindt wol das es alles  
volpracht was vnd sprach  
mich durft. Do kom  
ain iud mit ainem  
fwamen Der was gefult  
mit effig vnd mit gallen  
an einem sper vnd pat  
[45v,01]do meinem kindt zu trin=  
cken. Do er fein koft do  
wolt er fein nicht vnd  
sprach vater in dein  
hent enphilch ich mein  
geift Vnd naigt fein haup  
vnd gab auff feinen  
heiligen geift Do verlofz  
dÿ funn iren schein do  
zerzert sich der vmbehanck  
in dem templ von oben  
vntz auf nÿden vnd  
die ftain zerklub en sich  
vnd pefunder der ftain  
Do das creutz innen  
[46r,01]ftundt. der zuerspielt  
sich. Das man wol ein  
hant darein het gelegt  
das ertrich erpident  
sich. Die greber teten  
sich auff vnd erfunden  
vil heiliger leut die vor

langer zeit tot wurden  
Vnd giengen gein ierufalem  
in die stat vnd erfchien  
do vil leuten. Vnd centu=  
rio vnd die pey im do  
wurden vnd fahen Die  
dingk die do gefchahen  
[46v,01]vnd erfchrachten fere. Do  
sprach centurio. werlich das  
ift der ware gotesfun. nem<t>  
ware wie alle ellement  
mit im leiden. Nur allain  
die iuden fint erhert. es  
ftunden auch mein freunt  
vnd fein kinden ferr hin(=  
dan vnd fahen das alfo. Do  
sprach anhelmus o aller(=  
liebste frau. het aber dein  
laidt ein ent. maria spra=  
ch nain es. anhelmus.  
es was dannoch fimonis  
weiffagung nicht volprach<t>  
der do sprach. ein fwert  
[47r,01]folt durchschneiden mein  
hertz zu fiben malen. Nun  
hore anhelmus. das gar  
cleglich ift vber alles das  
zu fagen. was mordes an  
meinem totenn kindt gefchach  
an dem tag. do fy mein  
kindt fo recht iemerlichen  
heten getot. der hiefz der  
ftill freytag. Vnd das  
was der ander tag des  
fabbatz. vnd der was der  
hochziglich tag. den die

iuden peginen zu feyren  
Es paten die iuden pilatum  
[47v,01]durch ir hochtzeit willen.  
das er in liefz zuprechen  
ire pain. vnd das man fy  
von dem creutz nem. Do  
komen die ritter vnd zu(=)  
prachen den zwayen ire  
pain. Vnd do fy zu meim  
kindt komen. vnd fahen  
das er tot was. do zupro=  
chen fy im feine pain  
nicht. Sunder ein ritter  
kom mit einem sper. vnd  
ftach im in feiten. vnd in  
fein hertz. von dem ftich  
des fpers in die feitten.  
gingen zwen prunen ainer  
[48r,01]mit waffer der ander mit plut  
Do ich fach das fy im fo  
iemerlich teten vnd an ir  
marter nicht genugen  
heten. dy mein kindt er=  
liden het. fy wolten fich  
auch an dem toten leib  
rechen. vnd do ich das  
fach. das fy im fo greu=  
lichen teten. do wart ich  
amechtig. vnd tet mir  
recht als we. als mir  
das sper in mein hertz  
wer geftochen. Do het ich  
gern gewaint Do was  
[48v,01]mein leib vnd al mein  
natur als dur an mir  
worden. Das ich nicht

gewainen mocht. vnd  
mein ftim was alfo an  
mir erftorben. Das ich  
ein wort nicht gefprechen  
mocht. Do was die weif=  
fagung an mir erfult. die  
fimon zu mir fprach.  
das die marter meines  
kinds durch mein hertz  
vnd fell folt fchneiden  
zu fiben malen Vnd do  
ich mein kindt mit dem  
[49r,01]mündt nicht clagen mocht  
Do fprach ich mit dem  
hertzen. aube liebes kindt.  
aube minigklicher funn.  
aube lieb vor aller lieb.  
aube troft vor allem troft.  
wo ift nun den ich alle  
tag von dir gehabt hab  
aube mocht mir nymant.  
gehelffen. Das ich fur dich  
fturb. vnd do fein gotliche  
fel fchied von feinem  
leib. Do furt er den fcha(=  
cher der zu der rechten  
hant hing in das paradifz  
[49v,01]vnd als pald fur fein hei=  
lige fel zu den hellen vnd  
dovon wart den gerechten  
groffe freud. do nam  
er her adam vnd eua  
vnd alle die feinen wil(=  
len heten gethan vnd  
pefchlos die hell zu.  
das kain fel nymer

dareinkomen mag  
Dan mit irem gutem  
willen. er peflofz fy  
mit dreyen floffen*n*. mit  
rechter reu. mit warer  
peicht vnd warer puefz  
[50r,01]vnd wer die fchlofz pricht  
der muß dareinkomen  
do fragt anhelmu*s*. o.  
allerliebste frau. wie  
ergiang es darnach  
do sprach maria. ein  
guter man hieß iosepf  
vnd der was von ainem  
castel das hieß armar=  
thia. der was haimlich  
meines Kindes iunger  
ainer. wann er forcht  
die iuden. vnd giengen  
zu pilato vnd pat in  
das er Im geb meines  
[50v,01]Kindes leib das er in pegrub  
vnd sprach zu pilato. vnd  
ift das du vns nicht gibst  
den toten leib. so ftirbt.  
vns die allerliebft vnd  
raineft frau die ye geporen  
wort. vor groffem laidt  
Vnd hat die fo groffen  
iamer an irem hertzen  
das wir all mit ir zu  
fchicken haben vnd zu  
leiden. Do fragt pilatu*s*  
ob mein kindt tot wer.  
vnd do hort das er fo  
fchir tot was. Vnd von

[51r,01]centurio die groffen zaichen  
die do gefchehen wurden  
in feiner fchidung. do nam  
pilatus groffe wunder  
das er als fchir tot was  
vnd gab iofep vrlaub  
das er mein kindt von  
dem creutz nem vnd  
pegrub in. nach allem  
feinem willen. Nu hor  
anhelmus. was ich dir  
gar iemerliche ding fagen  
wil. do nam iofep vnd  
nicodemus. der was ein  
furfte Der iuden. vnd

[51v,01]was meinem kindt vn=  
tertenig gewesen. vnd  
dÿ nomen mein kindt  
von dem creutz. vnd do  
fÿ in von dem creutz  
nomen. Do ftund ich  
vnd wartet auff. wann  
fÿ ainen armm ledigten  
das ich in zu mir nem  
alfo enpfieng ich ain  
nach dem anderen vnd  
trucht fÿ an mein  
hertz. vnd kufft in mit  
groffem hertzenlaid

[52r,01]vnd do fÿ in von dem cre=  
utz loften. do legten fÿ  
in neben das creutz. do  
viel ich alspald nider  
vnd nam fein haupt  
auff mein fchofz. vnd  
sprach mit groffem her=



tzenlaid. O mein aller(=)  
liebftes kindt. was troft  
han ich von dir. fo ich  
dich toten vor mir fiech  
Do kom iohannes euuan=  
gelift. vnd viel auf fein  
pruft vnd hertz. Vnd  
[52v,01]Vnd fchray iemerlich mit  
lauter ftim. Vnd fprach.  
auff dem hertzen ruet ich  
nechten minigclich. vnd  
zertlichen ob dem tifch.  
aube nu tringk ich iamer  
clag vnd not. Do kom  
petrus. vnd waint auch  
piterlichen. das er fein  
verlaugent het. Do kom  
magdalena vnd clagt  
vor in allen vmb iren  
lieben hern vnd mayfter  
vnd viel fur mein kindt  
mit groffem iamer. fy  
[53r,01]fprach. Aube troft vor  
allem troft. wer foll mich  
entfchuldigen vor fimon  
der mich entfchuldigt  
mit feinem zarten mundt  
von meinen funden. aube  
wer fol nu mein fur=  
fprech fein gegen meiner  
fwefter. Die dir von mir  
clagt. aube der zarten  
fuefz. Die mich nicht  
ftieffen. Do ich fy wuefch  
mit meinen zehern.  
Aube der edlen

die mich nit verfmecht  
[53v,01]do ich fy tr<u>cket mit mei=  
nem har. vnd ander clag  
die fy het ob meim kindt  
Do kam iacobus meiner  
fwefter funn. zu dem man  
sprach. er wer meines  
kindes pruder. wan er  
im gar geleich was  
an allem feinem leib  
Der sprach mit groffer  
clag. aube wie ift dein  
miniglicher leib. vnd  
dein minigliches ant=  
litz. im felbs fo gar  
vngeleich worden von  
[54r,01]der schaittl pifz auff die  
follen. fo gar verwunt  
vnd zerflagen. Das nichtz  
gantz pelibenn ift. aube  
gefterr<sup>n</sup> was dein minig(=  
liches antlitz dem  
meinem geleich. wer waifz  
vnd mag gefprechen  
das ich dein pruder fey  
wan du pift mir fo gar  
vngeleich worden. Das  
es mir durch mein  
hertz get vnd mit dem(=  
felbigen wort. fwur er.  
das er nichts enpeiffen  
[54v,01]wolt vntz mein kindt  
erfuntt von dem tot. vnd  
do das gefchach. do was  
er vngeeffen vnd vnge=  
truncken vntz an den

oftertag. Do erfchain  
im ein kindt. funderlich  
Do er an feinem gepet  
lag. vnd sprach gutig=  
lich zu im. Iacobus  
mein pruder. ftee auff  
trinck vnd yßz. Des  
menschen kindt. ift  
erstanden von dem todt  
Do komen dÿ iungern  
[55r,01]geloffen mit groffem ge=  
schray vnd iamer vnd  
mit zeherrn. das fy von  
im geflohen worden. vnd  
nicht mit im in den  
tot gegangen wurden.  
vnd Do ich vnd die iun=  
geren in groffem laid  
vnd iamer peÿ im fassen  
Do erfreut vns mein  
kindt. mit der erften  
freut. noch feinem todt  
Sein leib der vor vns  
lag tot. Der wart so  
miniglich vnd als schon  
[55v,01]Vnd vnuerfert. alsam er  
nie marter erliden het.  
vnd als ob er nye fleg  
vnd wunden enpfangen  
hiet. Dan die funff wun=  
den peliben offen. die er  
an dem iungsten tage.  
wil zaigen aller werlt.  
Dovon wort ich vnd die=  
iungern. ein wenig ge=  
troft. vnd do man in

pegraben wolt. do het  
ich so groffen iamer  
noch Im. das ich mich  
von im folt schaiden  
[56r,01]Do vmbfing ich In.  
mit meinen armen. vnd  
habt in waft. vnd sprach.  
zu iohani. lieber frunt  
mein. thue als vbel an  
mir nicht. laß mir mein  
kindt also toten. den  
ich lebentigen nicht ge=  
haben mocht. oder pe=  
grab mich mit im. Do  
sprach iohanes zu mir.  
o allerliebste frau mein.  
waist du doch nu wol.  
Das es nicht anderz  
mocht gefein. es mußt  
[56v,01]als menschlichs gefch=  
lecht von feinem tot er(=  
loft werden. Do ließ ich  
in pegraben. aber vil  
vngern. Vnd do in  
iosepf nam. do fiel ich  
auf das grab. vnd pe=  
gert anderft nicht. dan  
das man mich mit  
im g pegrub. do nam  
mich mein kindt io=  
hanes. wider meinen  
willen. Vnd furt  
dan. Do sprach ich  
[57r,01]mit groffem hertzen(=  
laidt. O mein kindt  
iohanes. las mich

geniffen deiner groffen  
treu. die mein kint  
zu dir het. in feinen  
groffen nöten. Das er  
mich dir gab. zue  
einer muter. Vnd dich  
mir zu einem kindt  
Wan ich wil gerrn feins  
ents hie erpeiten. alle  
die do wuren. die waren  
iniglichē wainen  
Do nam mich mein kindt  
[57v,01]Iohanes. wider meinen  
willen. Vnd furt mich  
von dem grab. in mei=  
ner fwefter haus. feiner  
muter hin zu ierufa=  
lem in die ftat. Vnd  
do mich das volck alfo  
fäch. peftrebt vnd  
perunen mit dem  
plut. das auff mich  
gefloffen was. Do  
ich vnter dem creutz  
ftundt. Do heten fy  
ein erparmung vber  
[58r,01]mich. Vnd fprochn. aube  
wie groffer gewalt ift in  
difer ftat gefchehen. an der  
allerminiglichiften  
frauen. vnd an irem  
rainen vnſchuldigen  
kindt. Nu helft mir alle  
clagen. Do ſprach anf=  
helmus. o du allerliebſte  
frau. wo pelaibſt du do

Do sprach maria. Ich  
pelaib in meiner fwefter  
haus vnd von groffem  
hertzenlaid. het ich  
kain craft sich anhelmus  
[58v,01]Das ist das leiden. meines  
lieben kinds. vnd an dem  
dritten tag. erfund er vnd  
erschain mir vnd feinen  
Iungeren. vnd wurden all  
erfreut. vnd fur auf gein  
himmel. vnd darnach  
fendet er feinen iungern  
den heiligenn geift. lieber  
anhelmus. ich schaid  
dohin von dir. Iesus  
mein kinde fey mit dir A.